



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1702. usque ad annum 1708

Fleury, Claude

August. Vind. [u.a.], 1781

VD18 13322648

§. 48. Ragotsiani rebelles iterata clade affecti.

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

nem veheretur, expectaverat, classe Ba- Sæc. XVIII.
 tavo - Anglica Barcinonem deducta, A. C. 1708.
 fummis honoribus excipiebatur. De-
 mum Atfeldius die decima septima No-
 vembris urbem & arcem Dianiam cap-
 tis mille præfidiariis, & die tertia
 Decembris Alonam Philippo Andega-
 venfi subjecit, ita tamen, ut Cæsarei
 libere & integris belli honoribus exire
 permetterentur.

§. XLVIII.

*Ragotsiani rebelles iterata clade
 affecti.*

Interim Josephus Imperator de sedan- Wagner
 dis Hungarorum rebellium motibus Hist. Jo-
 semper sollicitus, ad diem vigesimam seph. p. 239.
 octavam Februarii Comitia Posonii ha-
 benda publicis literis indixit, spe facta,
 se eorum querelis benignam aurem præ-
 biturum. Ragotsius vero non tantum
 ad confirmandam, sed etiam per novas
 injurias proferendam Hungarici Imperii
 usurpationem intentus, quicquid in pro-
 pinquo, remotoque populorum erat,
 aggrediebatur, vulgatoque in publicum
 edicto omnibus indicta capitis poena,
 bonorumque omnium vastatione vetuit,
 ne Posonium sese ad comitia confer-
 rent; neve liber cuiquam ad ea transi-
 tus pateret, vias undique militibus ob-
 sedit,

Yy 5

sedit,

Sæc. XVIII. sedit, quin etiam quosdam sibi sus-
A. C. 1708. ctos, carceribus, alios vita multavit.

Eo facto, plurimorum, quos violavit, odium, quos autem terruit, invidiam in se, curasque concitavit: Cæsarem vero, ut comitia ad decimam Martii diem differret, compulit: Interim Viandus Cæsareus Chiliarcha quadringentis rebellium cæsis centum octodecim captos abstraxit, crebrisque velitatis pugnis eos acriter infectatus est: vicissim vero Ocskajus, & Ebeczkius cum valido rebellium agmine Beckovium contendentes, inferum oppidum direptioni, flammisque dederunt, ab arce tamen necnon Glaviæ obsidio non sine magna suorum cæde repulsi. Majore autem tumultuantium numero se in Austriæ finibus conglomerante, ac Maximiliano Starenbergio Pro-Marescallo prope Tyrnaviam ex insidiis a rebellibus capto, Vienna, Austria & Moravia, nova trepidatione completæperant: quippe Ocskajus repulsi Moravani littoris custodibus, ferro incolas, & ignibus in tecta pro more suo sæviit, vastatisque agris, peruptisque sylvarum concædibus opima spoliis e media regione egellit. Hisce castris mitatibus, ut obicem poneret Imperator, Guidone Starenbergio in Hispaniam traducto, Heistero Hungaricis bellum prout

provinciam demandavit, qui promotis **Sæc. XVIII.**
 ad Brodam castris Uihelinum convolat, **A. C. 1708.**
 ac die tertia quarta Augusti Berece-
 nium Comitem nil minus opinantem
 obruit, magnamque eidem prædam
 unacum conjuge aufert. Eadem die
 haud procul Trenschinio Ragotsium ag-
 gressus, fugato prius Equitatu tota
 mole in peditatum incubuit, turbatis-
 que ordinibus sparsos, incompósitosque
 ingenti cæde prostravit. Cecidere ex
 rebellibus sex millia, capti plusquam
 quadringenti unacum quinquaginta ve-
 xillis, belli tormentis quatuordecim,
 cunctisque impedimentis: Instat victor
 strenue fugienti Equitatu, unde non
 pauci aut Victoris iram veriti, aut in-
 ternecini belli tædio impulsu rebellium
 castra deseruere, imo ipse Ocskajus,
 alique Hungariæ Proceres cum non-
 gentorum capitum legione clementiam
 Cæsaris implorarunt, impetraruntque:
 Chemnitzium quoque & Schemnitzium,
 pluresque aliæ superioris Hungariæ Ur-
 bes ad Cæsaris imperium rediere, in-
 felix vero Ragotsius cum quinque mil-
 libus non amplius ad Agriam trepide
 consistens, in Poloniam secedere simu-
 labat, & Berecenus implorata Stanis-
 lai Poloni Regis aliorumque Principum
 ope pacem exorare videbatur: Hei-
 sterus vero Nitriam progressus, die vi-
 gesima

Sæc. XVIII. gesima quinta Augusti hanc urbem de
 A. C. 1708. ditione ad Cæsaris obsequium revoca-
 vit. cunctisque præteritorum oblivio-
 nem spondit, si ante Kalendas No-
 vembres ad fidem redirent; ast rebelles
 partitis agminibus citimam præcipue
 Hungariam sæde devastati sunt, cæsis
 que Rascianis Bezeredium, qui cum
 sua legione ad Cæsarem transire medi-
 tabatur, unacum aliis Tribunis extre-
 mo supplicio affecerunt, dispulsisque
 ac potissimam partem cæsis stationarius
 Muræ fluvii Insulam, vicinaque loca
 sæva populatione, incendiis, & de-
 prædationibus funditus exhaustere. In-
 terim Heisterus occupatis montanis ur-
 bibus Uivarinum tam acriter verbera-
 vit, ut Ragotsiani Ladislaum Tolvayum
 Proto - Notarium, quem olim captum
 ac nonnisi pane & frigida pastum in
 durissima custodia quadriennio tene-
 bant, Viennam ablegarent, nuntiatu-
 rum, quod Ragotius a pace non ab-
 horreret, dummodo æquæ proponere-
 tur conditiones, nec idem, quod Bo-
 hemis, jugum imponeretur Hungaris;
 verum suspecta erat Ragotsii fides, unde
 Heisterus Rabaviensi Insula ab hostibus
 evacuata, copias in hyberna dimisit,
 & hunc Oratorem ad sua abire iussit.